



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË

Numri i lëndës: 2024:094850

Datë: 08.04.2024

Numri i dokumentit: 05556360

P.nr.100/24

NË EMËR TË POPULLIT

GJYKATA THEMELORE NË MITROVICË, Departamenti i Përgjithshëm-Divizioni Penal, Gjyqtarja e vetme gjykuese Marigona Lajqi, me bashkëpunëtoren profesionale Medina Rama, në çështjen penale ndaj të pandehurit: I. M. për shkak të veprës penale: Asgjësimi, dëmtimi ose heqja e instalimeve publike nga neni 357 par.2 të KPRK-së, duke vendosur sipas aktakuzës së Prokurorisë Themelore në Mitrovicë - Departamenti i Përgjithshëm PP.II.nr.1901/23 të datës 26.03.2024 dhe kërkesës për shqiptimin e Urdhrit Ndëshkimor, pa mbajtjen e shqyrtimit gjyqësor, jashtë seancës, me datë 05.04.2024, mori këtë:

A K T G J Y K I M

PRANOHET Kërkesa e Prokurorisë Themelore në Mitrovicë – Departamenti i Përgjithshëm PP.II.nr.1901/23 e datës 26.03.2024 dhe kjo Gjykatë konform dispozitës të nenit 495 të KPPK-së, jep këtë:

URDHËR NDËSHKIMOR

I pandehuri

I. M., nga i ati H., e ëma Gj., e vajzërisë B., i lindur me datë ..., në Fushë Arëz Shqipëri, me vendbanim në rrugën "...", nr., Tiranë, Shqipëri, ka të kryer shkollën e mesme, i martuar, i gjendjes së mesme ekonomike, me numër personal ..., shqiptarë, shtetas i Republikës së Shqipërisë.

ËSHTË FAJTOR

SEPSE:

Me datë 10.04.2023, rreth orës 13:30, në fshatin Shupkocv, Komuna Mitrovicë, i pandehuri derisa ishte duke punuar me sondë - makinë shpimi, nga pakujdesia dëmton instalimet e Kompanisë Kosovare për Distribim me Energji Elektrike në Kosovë, në atë mënyrë derisa ishte duke bërë disa shpime me sonde për marrjen e disa shtresave të tokës për studim gjeologjik në një thellësi 1.5 m, ka dëmtuar një kabllo të energjisë elektrike të tensionit të mesëm 10 Kw që

ishte e vendosur nën tokë dhe me këtë shkakton çrregullim në furnizimin e popullsisë me energji elektrike.

-Me këtë ka kryer veprën penale: Asgjësimi, dëmtimi ose heqja e instalimeve publike nga neni 357 paragrafi 2 të KPRK-së.

Andaj, gjykata në bazë të neneve 1, 4, 7, 17, 21, 38, 40, 43, 69 dhe 357 par.2 të KPRK-së, si dhe neneve 364, 449, 452 dhe 495 të KPPK-së:

GJYKON

- I. DËNIM ME GJOBË në shumë prej 250 € (*dyqind e pesëdhjetë euro*), të cilin dënim është i obliguar që ta paguaj në afat prej 15 ditësh nga dita e plotfuqishmërisë së këtij aktgjykimi. Nëse i pandehuri nuk e paguan gjobën në afatin e caktuar, Gjkata do të veprojë në bazë të nenit 43 par.3 të KPRK-së, ashtu që dënimin me gjobë do t'ia zëvendësoj me dënim me burgim, duke i llogaritur për çdo 20 € (njëzet euro) gjobë me një (1) ditë burgim.
- II. Obligohet i pandehuri që në emër të shpenzimeve procedurale dhe atë në emër të paushallit gjyqësor të paguajnë shumën prej njëzet (20) euro, ndërsa në emër të taksës për kompensimin e viktimave të krimit shumën prej njëzet (20) euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën pasojat e përmbarimit të dhunshëm.
- III. Pala e dëmtuar KEDS, për realizimin e kërkesës pasurore juridike udhëzohet në kontest të rregullt civil.

A r s y e t i m

Prokuroria Themelore në Mitrovicë – Departamenti i Përgjithshëm, ka ngritur aktakuzën PP.II.nr.1901/23 të datës 26.03.2024, kundër të pandehurit I. M. për shkak të veprës penale: Asgjësimi, dëmtimi ose heqja e instalimeve publike nga neni 357 paragrafi 2 të KPRK-së, dhe njëherësh, nga Gjkata ka kërkuar dhënien e Urdhrit Ndëshkimor-Dënim me gjobë, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se i pandehuri vërtetë e ka kryer veprën penale për të cilën akuzohet.

Gjkata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPPK-së, që të pranohet kërkesa për dhënien e urdhrit ndëshkimor dhe në përputhje me nenin 495 të KPPK-së të jepet aktgjykimi pa u mbajtur shqyrtimi gjyqësor, si në dispozitiv të këtij aktgjykimi, pasi që në shkresat e lëndës ka prova të mjaftueshme në bazë të cilave vërtetohet se i pandehuri e ka kryer veprën penale e cila i vihet në barrë.

Me dispozitat ligjore të Kodit Penal të Republikës së Kosovës (KPRK), për veprën penale Asgjësimi, dëmtimi ose heqja e instalimeve publike nga neni 357 paragrafi 2 të KPRK-së me të cilën akuzohet i pandehuri, ligjvënësi ka parashikuar dënimin me gjobë ose me burgim deri në një (1) vit, që nënkupton se në rastin konkret zbatohen dispozitat ligjore të procedurës së veçantë nga neni 495 të Kodit të Procedurës Penale të Republikës së Kosovës (KPPK).

Gjykata, konsideron se provat e bashkangjitura në shkresat e lëndës dhe atë: Raporti fillestar i incidentit me numër të rastit 2023-BC-380, i datës 10.04.2023, Raporti i Oficerit, i datës 10.04.2023, Procesverbali i marrjes në pyetje për të dëmtuarin R. A., i datës 10.04.2023, Procesverbali i marrjes në pyetje për dëshmitarin B. R., i datës 10.04.2023, Procesverbali i marrjes në pyetje për të dyshuarin I. M., i datës 10.04.2023, Foto albumi nga njësia e Forenzikës, me numër të dosjes së hetimeve 2023-BC-380 dhe numër të dosjes së forenzikës 93/2023, Fatura nga KEDS SH.A, me numër 02-2478, e datës 19.05.2023 si dhe shkresat e tjera të lëndës, janë prova të mjaftueshme mbi bazën e të cilave vërtetohet se në veprimet e të pandehurit manifestohen elementet e veprës penale e cila i vihet në barrë.

Me rastin e caktimit të lartësisë së dënimit me gjobë, konform nenit 69 të KPRK-së, gjykata ka marrë për bazë të gjitha rrethanat që ndikojnë në llojin dhe lartësinë e dënimit, duke konsideruar se dënimi i shqiptuar është dënim i drejtë dhe i ligjshëm dhe është në harmoni me shkallën e përgjegjësisë penale meqë rast vepra penale është kryer me dashje nga ana e të pandehurit dhe rrethanat në të cilat është kryer vepra penale.

Andaj, gjykata vlerëson se me një dënim të tillë do të arrihet qëllimi i dënimit, i cili parashihet me nenin 38 të KPRK-së, që të parandalojë kryesin nga kryerja e veprave penale në të ardhmen dhe të bëjë rehabilitimin e tij, të parandalojë personat e tjerë nga kryerja e veprave penale, të shpreh gjykimin shoqëror për veprën penale, ngritjen e moralit dhe forcimin e detyrimit për respektimin e ligjit, duke vlerësuar se i pandehuri do të përmbahet nga veprime të paligjshme në të ardhmen.

Vendimi për kompensimin e shpenzimeve të procedurës penale dhe të paushallit gjyqësor, u mor në bazë të nenit 449 par. 2 nën par. 2.6 lidhur me par.1 dhe nenit 452 par. 1 të KPPK-së. Ndërsa taksa për kompensimin viktimave të krimit, në kuptim të nenit 36 par. 3 nën. par 3.1 të Ligjit nr.08/L-109 për Kompensimin e Viktimave të Krimit.

Në bazë të nenit 462 të KPP-së, pala e dëmtuar është udhëzuar në kontest civil për realizimin e kërkesës pasurore-juridike. Kjo nga fakti se të dhënat e mbledhura nuk kanë paraqitur bazë të sigurt për gjykimin e plotë edhe sa i përket kërkesës pasurore juridike.

Nga sa u tha më lartë, u vendos si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm-Divizioni Penal
P.nr.100/24, datë 05.04.2024

G j y q t a r j a
Marigona Lajqi

KËSHILLË JURIDIKE: Kundër këtij aktgjykimi i pandehuri ose mbrojtësi i tij mund të drejtë të paraqesin kundërshtim, në afat prej 8 (tetë) ditëve, nga dita e pranimit të tij. Kundërshtimi i parashtrohet kësaj Gjykate.